Bounty Killer, Corrupt

[Intro:]

I told dem to look in my eyes and they neva listen they didn't

Poor people! gully stench yow! tired! stress out

Dem nuh waan si wi step out

Fed up all who caan tek di fire inna di kitchen get out

Want price want fight politician nah move precise well!

We tired a di blue light red light flashing in di city

Police nah have nuh heart and gangstas nuh have nuh pity

Government discriminate still di crime rate nuh pretty

Di whole place corrupt di system corrupt

Dem a ban mi show becah mi speak di truth and talk mi mind

Through mi seh nah go bow mi nah nuh climb nuh man behind

Nah stop defend di ghetto youths nuh fuckery mi nuh join

Now di whole place corrupt di whole place corrupt

Weh tek some artist weh nah stop from carry man name

A nuh me mek dem pop dung a nuh killer mek dem lame look his name

Di way dem live dem life dem should a shame

Now di whole place corrupt di business corrupt

Another issue price raise every minute every hour

Poor people caan find money fi rice neither flour

Caan afford! scotch bright fi scour mama pot cover

Di whole place corrupt di system corrupt

Dem embrace gun show and a fight dancehall

Every time ghetto youth rise dem waan wi fi fall

If a fi dem alone we'd a never drive nuh range at all

Di whole place corrupt di system corrupt

Tell dem wi tired a di morgue life di dog life

Poor people hard life juggling di street is hand to mouth

Mi nah like! too much gunshot ya pon di route

Poor people be wise and mek wi rise di armshouse is fi bun out

Through di morgue life di dog life poor people hard life

Hustling di street is hand to mouth

Mi nah like! too much blood a run ya pon di route

Ghetto youths be wise full time politician fi realise

Government mek promises and when dem win a dem wi nah si

Still di gully and di trenches keep so nasty

Represent ghetto from jamaica to canarcy

Di whole place corrupt di whole place corrupt

Di good weh wi do some a dem nuh highlight by right

Certain thing some reporter nah write

Like di charity wi fund it nuh reach dem eyesight

Di whole place corrupt di whole place corrupt

So what about di homeless that's hopeless

Di dogs that are boneless

Some man weh seh dem strap out a street and nah have nuh rounds left

Political warfare politician nah hear

Di whole place corrupt di business corrupt

Di homeless they're hopeless di dogs that are boneless

Some man weh seh dem strap out a street and nah have nuh rounds left

Political warfare politician nah hear

Di whole place corrupt di business corrupt

[Outro:]

Pollute-tician, corrupted leaders corruption

Sucking out di blood of di poor people like a suction

Leave with no option

Tell you seh di whole place corrupt di system corrupt

Yow dem tek cashplus and dem tek holding

Like dem think poor people a live dem life inna old zinc

A wonder wha dem think yow!

Can't wait fi si di day when pollute-tician a go seen

Di whole place corrupt di business corrupt, jukebox kaboom!